

Sakspapir

Sakshandsamar	Arkiv	ArkivsakID
Frank Kvinge	FA-C50, HistSak-13/223	19/112

Saknr	Utval	Type	Dato
040/2019	Formannskapet	PS	17.06.2019

Tildeling av kulturvernmidlar 2019

Rådmannen sitt framlegg til vedtak:

Framlegg til vedtak:

Saksopplysningar:

Bakgrunn

Kommunen gjev tilskot til restaurering/istandsetjing av eldre bygningar, bygningsmiljø og andre kulturminne som ligg innan for Masfjorden kommune sine grenser. Eigarar av slike kulturminne kan søkja tilskot frå desse midlane. Det er sett av kr 50 000 til slike tiltak for 2019.

Fakta

Det var kome inn tre søknader innan fristen:

1. Restaurering av stove på Solheimsøy(gbnr 44/9) v/ Halgeir Bergestuen



Søknad dat 11.02.2019.

Det vert søkt støtte til rehabilitering av stove/gardshus.

Søknadssum kr 50 000

Tømmerstova, opphavelig frå Indre Haugsdal og med ukjend alder, vart flytta til Solheimsøy kring år 1900, og utgjer i dag den eldste delen av huset som står på Solheimsøyna.

Huset vart fråflytta i 1965, og sidan nytta som sommarhus i eit sameige. I 2017 overtok Reidun Norland Bergestuen og Halgeir Brendestuen eigarskapet og har starta arbeidet med rehabilitering av huset og resten av eiedommen (uthus, løe, to naust og utmark.) Budsjett for rehabiliteringa av huset er kr 990 600.

Dei nye eigarane vil inntil vidare nytta huset som feriebustad.

2.Nordre Kvinge Trevarefabrikk (NKT) v/ Stein Inge Kvinge



Søknad dat 27.03.19

Det vert søkt midlar til byting av kledning og vindauge på bygningen.

Søknadssum kr 50 000

Fabrikken vart bygd i 1919 og var i drift fram til 1965. Fabrikken var seinare kjøpt av fem sambygdingar. Far til søkjar løyste seinare ut dei andre og sto som eineigar av NKT. Utfyllande historie om verksemda er å lesa i « Fjon frå fjord til fjell» 1998.

Søkjar har no arva fabrikk. Bygningen ber preg av manglande vedlikehald. Eigar har inga personleg vinning ved å setja fabrikk i stand, men han ser på fabrikk som viktig lokal industrihistorie som kan verta tilgjengeleg for alle. Maskinene frå tida fabrikk var i komersiell drift er intakt og kan startast den dag i dag. Overføring av drivkraft frå driftsmotoren skjer ved akslingar, reimskiver og drivreimer fram til dei einskilde maskinene.

Arild Sætre v/museumssenteret i Salhus har vore sakkunnig person i prosjektet.

Arbeidet har eit budsjett på kr 356100.

Prosjektet fekk kr 30 000 i kommunale kulturvernmidlar i 2018.

Sidan den gong har søkjar fått tilsagn om stønad frå Kulturminnefondet, kr 93 000, og frå UNI-stiftelsen, kr 30 000. Desse set strenge krav til arbeidet og krev at vindauga skal rehabiliterast. Søkjar har fått overslagspris frå Gamle trehus på dette arbeidet og restaurering av dei 21 vindauga vil koma på nær 450 000, ekskl behandling og isetjing av ruter. Nye standard vindauge vil kosta om lag 4000

pr vindauge, ferdig måla, dvs ein samla kostnad på 96 000.

På bakgrunn av at krava frå Kulturminnefondet og UNI-stiftinga gjer prosjektet for dyrt og omfattande, vurderer søkjar å seia frå seg desse midlane. Han ber kommunen om å støtta prosjektet utan å stilla vilkår.

3.Stiftinga Museum Vest



Søknad dat 31.03.

Det vert søkt midlar til nye utstillingar i samband med jubileumsmarkeringar 2019.

Søkjar har levert ein samlesøknad som gjeld kulturtiltaksmidlar, tilskot til særskilte kulturtiltak og kulturvernmidlar. Samla søknadssum kr 90 000.

Vurdering:

Stove på Solheimsøyna

Det er vanskeleg å ta stilling til denne søknaden utan at fagleg person innanfor forvaltning og restaurering av denne typen kulturminne har vore inne i saka. Dersom slik sakkunnig person får sjå nærare på objektet kan dette sjølvstøtt opna for å gje tilskot ved eit seinare høve. Bygget er ikkje omtala i gjeldande kulturminneplan og i påvente av at ny kulturminneplan skal bli ferdig er det vanskeleg å tilrå tilskot til dette føremålet.

Det er prisverdig av tiltakshavar at vedkomande tek vare på dette miljøet på Solheimsøyna.

Nordre Kvinge trevarefabrikk

For søkjar er det viktig å få starta vedlikehaldsarbeidet. Så langt har det berre vore utført sikringsarbeid ettersom igangsetjing på feil grunnlag ville kunne ekskludera for støtte gjennom Kulturminnefondet og UNI.

Kostnadsskilnaden mellom restaurering av vindauge i høve til å setja inn nye er svært stor.

Rådmannen har difor forståing for at søkjar ønskjer å frigjera seg frå krava frå Kulturminnefondet og UNI.

Bygningen representerer viktig lokal industrihistorie. Det viktigaste for kommunen er at bygningen vert teken godt vare på slik at maskinpark vert sikra, og at det vert opna for at publikum kan besøka verkstaden og den unike maskinparken.

Stiftinga Museum Vest

Søknaden gjeld jubileumsåret og ymse tiltak i samband med dette.

Masfjorden kommune har ymse støtteordningar til kulturføremål og ser at det er mest rett at

søknaden vert handsama samla under Kulturtiltaksmidler.

Konklusjon

Det vert for 2019 løyvd kr 50 000 til istandsetjing av Nordre Kvinge Trevarefabrikk.

Midlane vert utbetalt så snart arbeid er gjennomført og enkelt rekneskap vert sendt kommunen.

Frist for dette arbeid vert sett til 01.09.2020.

Det vert ikkje løyvd midlar til restaurering av stove/gardshus på Solheimsøy.

Søknaden frå Museum Vest vert vert handsama under tildeling av Kulturtiltaksmidler.

Frå konto 14700-2100-3650: Kulturminneforvaltning

Formannskapet - 040/2019

FS - behandling:

Kulturskulerektor Frank Kvinge møtte til denne saka og svara på spørsmål.

Saka vart drøfta.

Framlegg til vedtak vart samrøystes vedteke.

FS - vedtak:

Det vert for 2019 løyvd kr 50 000 til istandsetjing av Nordre Kvinge Trevarefabrikk.

Midlane vert utbetalt så snart arbeid er gjennomført og enkelt rekneskap vert sendt kommunen.

Frist for dette arbeid vert sett til 01.09.2020.

Det vert ikkje løyvd midlar til restaurering av stove/gardshus på Solheimsøy.

Søknaden frå Museum Vest vert vert handsama under tildeling av Kulturtiltaksmidler.